

四庫全書

集部

欽定四庫全書

御定佩文齋詠物詩選卷八十三

衆山類

四言古

登會稽刻石山

晉王彪之

隆山嵯峨崇巖崑崙傍觀滄州仰拂九霄文命遠會風
淳道遼秦皇遐巡邁茲英豪宅基靈阿銘跡峻嶠青陽
曜景時和氣淳修嶺增鮮長松挺新飛鴻振羽騰龍躍

鱗

登荆山

晉桓玄

理不孤湛影比有津曾是名岳明秀超鄰器栖荒外命
契響神我之懷矣巾駕飛輪

五言古

詠懷

魏阮籍

步出上東門北望首陽岑下有采薇士上有嘉樹林良
辰在何許凝霜霑衣襟寒風振山岡玄雲起重陰鳴鴈

飛南征鷓鴣發哀音素質游商聲悽愴傷我心

採藥詩

晉庾闡

採藥靈山嶠結駕登九疑懸崖溜石髓芳谷挺丹芝冷
冷雲珠落漼漼石蜜滋鮮景染冰顏妙氣翼冥期霞光
煥霍靡虹景照參差椿壽自有極槿花何用疑

登楚山

庾闡

拂駕升西嶺寓目臨浚波想望七德耀詠此九功歌龍
駟釋陽林朝服集三河回首盼宇宙一無濟邦家

登半石山

晉宗炳

清晨陟阻崖志氣洞瀟灑嶰谷豁地幽窮石凌天委長
松列竦肅萬樹巉巖詭上施神農蘿下凝堯時髓

登作樂山

宋孝武帝

修路軫孤巒竦石頓飛轅遂登千尋首表裏望丘原屯
煙擾風穴積水瀾雲根漢潦吐新波楚山帶舊苑壤草
凌故國拱木秀顏垣日極情無留客思空已繁

登魯山

孝武帝

解帆憇通渚息徒憑椒丘粵值風景和升高縱遠眸紀
郢窮西路湘夢極南流杳哉漢陰水浩馬江界修

車駕幸京口侍遊蒜山作

宋顏延之

玄天高北列日觀臨東溟入河起陽峽踐華因削成巖
險去漢宇襟衛徙吳京流池自化造山闕固神營園縣
極方望邑社總地靈宅道炳星緯誕曜應辰明睿思纏
故里巡駕帟舊垆陟峰騰輦路尋雲抗瑤堯春江壯風
濤蘭野茂蕙英宣遊引下濟窮遠凝聖情嶽濱有和會

祥習在下征周南悲昔老留滯感遺氓空食疲廊肆反
稅事巖耕

遊嶺門山詩

宋謝靈運

西京誰修改龔汲稱良吏君子豈定所清塵慮不嗣早
蒞建德鄉民懷虞芮意海岸常寥寥空館盈清思協以
上冬月晨遊肆所喜千圻邈不同萬嶺狀皆異威摧三
山峭滌汨兩江駛魚舟豈安流樵拾謝西芘人生誰云
樂貴不屈所志

石室山詩

謝靈運

清旦索幽異，放舟越坳郊。
莓莓蘭渚急，藐藐苔嶺高。
石室冠林岫，飛泉發山椒。
虛泛徑千載，崢嶸非一朝。
鄉邨絕聞見，樵蘇限風霄。
微戎無遠覽，總笄羨升喬。
靈域久韜隱，如與心賞交。
合歡不容言，摘芳弄寒條。

登石門最高頂

謝靈運

晨策尋絕壁，夕息在山棲。
疏峰抗高館，對嶺臨迴谿。
長林羅戶穴，積石擁階基。
連巖覺路塞，密竹使徑迷。
來人

忘新術去子惑故蹊活活夕流駛噉噉夜猿啼沉冥豈
別理守道自不攜心契九秋幹日玩三春莢居常以待
終處順故安排惜無同懷客共登青雲梯

從庾中郎遊園山石室

宋鮑照

荒塗趣山楹雲崖隱靈室岡澗紛縈抱林障省重密昏
昏磴路深活活梁水疾幽隅秉晝燭地牖窺朝日怪石
似龍章瑕壁麗錦質洞庭安可窮漏井終不溢沈空絕
景聲崩危坐驚慄神化豈有方妙象竟無迹至哉鍊玉

人處此長自畢

和王著作融登八公山

齊謝朓

東限瑯琊臺西距孟諸陸阡眠起雜樹檀藥陰修竹日
隱澗疑空雲聚岫如復出沒眺樓雉遠近送春日

遊太平山

齊孔稚珪

石險天貌分林交日容缺陰澗落春榮寒巖留夏雪

侍遊方山應詔

齊王融

巡躅望登年帳飲臨秋縣日羽鏡霜溽雲旗落風甸四

瀛良在目八寓宛如見小臣竊自嘉預奉柏梁讌

遊金華山

梁沈約

遠策追夙心靈山協久要天倪臨紫闕地道通丹竅未
乘琴高鯉且縱嚴陵釣若蒙羽駕迎得奉金書召高馳
入閭闔方覩靈妃笑

早發定山

沈約

夙齡愛遠壑晚蒞見奇山標峰綵虹外置嶺白雲間傾
壁忽斜豎絕頂復孤圓歸海流漫漫出浦水濺濺野棠

開未落山櫻發欲然
忘歸屬蘭杜懷祿寄芳荃
眷言採三秀徘徊望九仙

渡西塞望江上諸山

梁江淹

南國多異山雜樹共冬榮
潺湲夕澗急嘈囀晨鷗鳴
石林上參錯流沫下縱橫
松氣鑑青靄霞光礫丹英
望古一凝思留滯桂枝情
結友愛遠岳採藥好長生
常畏佳人晚秋蘭傷紫莖
海外果可學歲暮誦仙經

登壽陽八公山

梁吳均

遠澗自傾曲石漱復芟芟含珠岸恒翠懷玉浪多圓踈
峰時吐月密樹不開天瑤繩盡玄秘金檢上奇篇是有
琴高者凌波去水仙

東南射山

梁王筠

還丹改容質握髓駐流年口含千里霧掌流五色煙瓊
漿汎金鼎瑤池溉玉田倏忽整龍駕相遇鳳臺前

南隱遊泉山

隋孔德紹

名山狎朝隱俗外遠相求還如倒景望忽似闔風遊臨

崖俯大壑披露仰飛流歲積松方偃年深椿欲秋野花
開石逕雲葉掩山樓何須問方士此處是瀛洲

南海亂石山作

唐
杜審言

漲海積稽天羣山高嵯地相傳稱亂石圖典失其事懸
危悉可驚大小都不類乍將雲島極還與星河次上聳
忽如飛下臨仍欲墜朝暎絕丹紫交魄炯青翠穹崇霧
雨蓄幽隱靈仙闕萬尋掛鶴巢千丈垂猿臂昔去景風
涉今來姑洗至觀此得詠歌長時想精異

遊陸渾南山自歇馬嶺到楓香林以詩代書答

李舍人適

唐宋之間

晨發歇馬嶺遙望伏牛山孤出羣峰首熊熊元氣間太
和亦崔巍石扉橫閃倏細岑互攢倚浮巘競奔蹙白雲
遙入懷青靄近可掬我從尋靈異周顧愜心目晨拂烏
路行暮投人煙宿粳稻遠彌秀粟芋秋新熟石髓非一
巖藥苗乃萬族間闕踏雲雨繚繞綠水木西見商山芝
南到楚鄉竹楚竹幽且深半雜楓香林浩歌清潭曲寄

爾桃源心

早春魚亭山

唐 薛 稷

春氣動百草紛榮時
斷續白雲自高妙
徘徊空山曲陽
林花已紅寒澗苔未綠
伊余息人事蕭寂無營欲
客行雖已遠翫之聊自足

與生公遊石窟山

唐 張九齡

探秘孰云遠忘懷復爾同
日尋高深意宛是神仙中
躋險構靈室詭制非人功
潛洞黜無底殊庭忽似夢
豈如

武安鑿自若茅山通造物良有寄嬉游迺愜衷猶希咽
玉液從此昇雲空咄咄共攜手冷然且御風

登城樓望西山

張九齡

城樓枕南浦日夕顧西山宛宛鸞鶴處高高煙霧間仙
井今猶在洪崖久不還金編莫我授羽駕亦難攀檐際
千峯出雲中一鳥閒縱觀窮水國游思徧人寰勿復塵
埃事歸來且閉關

南山

唐
賀朝

湖北雨初晴湖南山盡見巖巖石帆影如得海風便仙
穴茅山峰彩雲時一見邀君共探此異錄殘幾卷

題鹿門山

唐

孟浩然

清曉因興來乘流越江峴沙禽近方識浦樹遠莫辨漸
至鹿門山山明翠微淺巖潭多屈曲舟楫屢迴轉昔聞
龐德公採藥遂不返金澗養芝朮石牀卧苔蘚紛吾感
蒼舊結纜事攀踐隱跡今尚存高風邈已遠白雲何時
去丹桂空偃蹇探討意未窮迴臚夕陽晚

登望楚山最高頂

孟浩然

山水觀形勝，襄陽美會稽。最高惟望楚，曾未一攀躋。
石壁疑削成，衆山比全低。晴明試登陟，目極無端倪。
雲夢掌中小，武陵花處迷。暝還歸騎下，蘿月在深谿。

登峨嵋山

唐李白

蜀國多仙山，峨嵋邈難匹。周流試登覽，絕怪安可悉。
青冥倚天開，彩錯疑畫出。泠然紫霞賞，果得錦囊術。
雲間吟瓊簫，石上弄寶瑟。平生有微尚，歡笑自此畢。
煙容如

在顏塵累忽相失倘逢騎羊子攜手凌白日

江上望皖公山

李白

奇峯出奇雲秀木含秀氣青冥皖公山巉絕稱人意
獨遊滄江上終日淡無味但愛茲嶺高何由討靈異
默然遙相許欲往心莫遂待吾還丹成投跡歸此地

焦山望松寥山

李白

石壁望松寥宛然在碧霄安得五彩虹駕天作長橋
仙人如愛我舉手來相招

與南陵常贊府遊五松山

李白

安石沉溟渤獨嘯長風還逸韻動海上高情出人間靈
異可並跡澹然與世閒我來五松下置酒窮躋攀徵古
絕遺老因名五松山五松何清幽勝境美沃州蕭颯鳴
洞壑終年風雨秋響入百泉去聽如三峽流剪竹掃天
花且從傲吏遊龍堂若可憇吾欲歸精修

岷山懷古

李白

訪古登岷首憑高眺襄中天清遠峰出水落寒沙空弄

珠見游女醉酒懷山公感歎發秋興長松鳴夜風

天門山

李白

迴出江上山雙峰自相對岸映松色寒石分浪花碎參
差遠天際縹緲晴霞外落日舟去遙回首沈青靄

登秦望山

唐薛據

南登秦望山極目大海空朝陽半蕩漾晃朗天水紅谿
壑爭噴薄江湖遞交通而多漁商客不悟歲月窮振緡
迎早潮弭棹候長風余本萍泛者乘流任西東茫茫天

際帆棲泊何時同將尋會稽跡從此訪任公

登翅頭山題儼公石壁

唐包融

晨登翅頭山山曠黃霧起却瞻迷向背直下失城市
日銜東郊朝光生邑里掃除諸煙氛照出衆樓雉青為
洞庭山白是太湖水蒼茫遠郊樹倏忽不相似萬象以
區別森然共盈几坐令開心胸漸覺落塵滓北巖千餘
仞結廬誰家子願陪中峰游朝暮白雲裏

早發西山

唐沈頌

遊子空有懷賞心
杳無路前程數千里
乘夜連輕馭
繞松篠中蒼茫猶未曙
遙聞孤邨犬暗指人家去疲馬
懷澗泉征衣犯霜露
喧呼谿鳥驚沙上
或騫翁娟娟東
岑月照耀獨歸慮

夕次鹿門山

唐 閻防

龐公嘉遁所浪跡難追攀
浮舟暝始至抱杖聊自閒
雙巖開鹿門百谷集珠灣
噴薄湍上水春容漂裏山
焦原不足險梁壑未成艱
我行自春仲夏烏忽綿
蠻蕙草色

已晚客心殊倦還遠遊非避地訪道愛童顏安能徇機
巧爭奪錐刀間

蒙山

唐蕭穎士

東蒙鎮海沂合沓百餘里清秋淨氛靄崖窈隱天起于
役勞往還息徒暫攀騎將窮絕跡處偶得冥心理雲氣
雜虹霓松聲亂風水微明綠林際杳窅丹洞裏仙鳥時
可聞羽人邈難視此焉多深邃賢達昔所秘子尚捐俗
紛季隨躡遐軌蘊真道彌曠懷古心未已白鹿几幾遊

黃精復奚似顧予尚牽纏家業重書史少學務從師壯
年貴趨仕方馳桂林譽未暇桃源美歲暮期早尋幽哉
羨門子

西山

唐
常建

一身為輕舟落日西山際常隨去帆影遠接長天勢物
象歸餘清林壑分夕麗亭亭碧流暗日入孤霞繼渚日
遠陰映湖雲尚明霽林昏楚色來岸遠荆門閉至夜轉
清迴蕭蕭北風厲沙邊鴈鷺泊宿處蒹葭蔽圓月逗前

浦孤琴又搖曳冷然夜遂深白露沾人袂

石菌山

唐劉長卿

前山帶秋色獨往秋江晚疊嶂入雲多孤峯去人遠
黃緣不可到蒼翠空在眼渡口問漁家桃源路深淺

過桐柏山

唐錢起

秋風過楚山山靜秋聲晚賞心無定極仙步亦清遠
返照雲竇空寒流石苔淺羽人昔已去靈跡欣方踐
投策謝歸途世緣從此遣

獨往覆釜山寄郎士元

錢起

賞心無遠近芳月好登望勝事引幽人山下復山上將
尋洞中藥復愛湖外嶂古壁苔入雲陰谿樹穿浪誰言
世緣絕更惜知音曠鶯啼綠蘿春回首還惆悵

登覆釜山遇道人

錢起

晨策趣無涯名山深轉秀三休變覆景萬轉迷宇宙攀
崖到天窓入洞窮玉溜側逕蹲怪石飛蘿擲鶯狖花間
鍊藥人雞犬和乳竇散髮便迎客采芝仍滿袖郭璞賦

遊仙始願今可就

溫門山

唐王 建

早入溫門山羣峰亂如戟懸崖欲相觸呀豁斷行跡脫
屐尋淺流定足畏敬石路盡十里谿地多千歲柏洞門
晝陰黑深處惟石壁似見丹砂光亦聞鍾乳滴靈池出
山底沸水衝地脈暖氣成濕煙濛濛窻中白隨僧入古
寺便是雲外客月出天氣涼夜鐘山寂寂

經月巖山

唐韓 翃

驅車過閩越路出饒陽西山翠如畫簇簇生虹蜺羣
峰若侍從衆阜如嬰提巖巖互吞吐嶺岫相追攜中有
月輪滿皎潔如圓珪玉皇恣遊覽到此神應迷嫦娥曳
霞帔引我同攀躋騰騰上天半玉鏡懸飛梯瑤池何悄
悄鸞鶴煙中栖回頭望塵世露下寒淒淒

遊灞陵山

唐嚴維

入山未盡意勝跡聊獨尋方士去在昔藥堂留至今四
隅白雲間一路清谿深芳秀愜春目高閒宜遠心潭分

化丹水嶺出昇仙林此道人不悟坐鳴松下琴

新晴望北山

宋文同

西風吹北山曉日曬新雨嵐光登嵯岫草木紛可數翠
壁倚萬丈白雲橫一縷待訪餐霞人斯游欲誰與

萬山

宋蘇軾

西行度連山北出臨漢水漢水感成潭旋轉山之趾禪
房久已壞古瓷含清泚下有仲宣閣綆刻深容指回頭
望西北隱隱龜背起傳云右隆中萬樹桑柘美月炯轉

山曲山上見洲尾綠水帶平沙盤盤如抱珥山川近且
秀不到懶成恥問之安能詳畫地費簪筮

敬亭山

元貢奎

名山鎮宣郡古祠崇敬亭傑構靚深巖飛廊引重扃陟
彼百仞高始覺萬類形樓殿勢益宏兵衛森幽靈增秩
覩隆典綸音播明廷豐穰走祈報煙燎浮芳馨竹樹蔽
險壑虛闌俯南垞麻姑湖上碧華陽天際青神颺颯然
起新涼濯微醒疎雨映白石垂虹截蒼冥永言李謝遊

豈惜歲月零悠悠孤雲去渺渺從雙輶招之殊未來莊
思展函經

宿臺城石絕頂

元 薩都拉

江白潮已來山黑月未出樹杪一燈明雲房人獨宿近
水星動搖河漢下垂屋四月夜深寒繁露在修竹

黑谷東路山

元 朱德潤

高岡盤崔嵬白石落絕壑鳴泉咽古竇巖麓淨如削緬
想融化初元氣下磅礴山靈託奇範株脈下連絡大峰

齊雲霄羣嶠入雲脚朱闌圍碧瓦隱見仙人宅良境不
可負行將理芒屨

石橋山

元黃鎮成

散策南山下逶迤登石橋五涉曲澗水兩山鬱岌堯蚺
緣度絕壁攀蘿俯山椒懸瀑瀉層崖冰華垂空飄盤紆
上石磴天梯颭回颭厠足得平地聳身凌丹霄入谷煙
霞深松竹聲瀟瀟會當發天秘剪此荆榛條結屋棲白
雲覽矚千峰遙土沃既宜耕山深仍可樵因之習天遊

已足遠世囂悠然萬物表我隱誰能招

望會稽山

元柳貫

城東鑑湖道水光翻夕鷗雲破青
霍靡稽峯芝掌浮悠然動予矚
玉女開明眸固知穴可探却恐
書難求蒲蓮浩如海微風挾輕
舟前山與後嶺導從森幢旒誰
張北斗旗漸進東瀛洲桂枝尚
堪折鬢白愧重遊

汎舟黃顙湖泛梅山

元張憲

汎舟黃顙湖望見梅山山嵯峨
結寶髻晶淼浮銀灣長

風蕩青蘋雪浪相飛翻
魚龍現怪誕水怒山自閒
詎知神靈意在虛無間
緬思學仙尉一去何時還
幽姿不可見高風邈難攀
落日動簫鼓把酒酬潺湲

峒峪山

元王磐

昨日遊黃華抵暮方言還
今晨到峒峪驅馬五松邊
未移金門日還指元康
煙山中富清境不暇相周旋
大似山陰客望門却迴船
空懷上方寺矯首浮雲巔
瀑布落晴雪金燈開夜蓮
何當重經過巖下細流連

龜山

明張羽

輕舟俯淮流千里不見山披衣起青曉忽覩青孱顏始
覺客愁散頓忘行路艱安得策飛筇一造幽人關翻思
在山日午巖厭登攀物少乃足貴不在美惡間役夫告
我言此中棲神姦噓氣成江河須臾駕岡巒僧伽大威
力困彼一掬慳石巖下無底繫以千連環至今風濤夕
猶聞響珊珊茫茫淮泗流禹功不可刊傳奇乃由誰此
語當重刪作詩寄崖石庶以開愚頑

登北山

明 劉仔肩

薄言出東郭縱步陟北嶺
油雲冒峯峩寒松雜修挺
林翳景若暝谿迴路猶引
崇基擬素志澄淵鑑清影
遵險既易常臨深亦逾
謹朋遊並登眺妙趣心
獨領寄想煙霞濱超然
欲歸隱

遊西山

明 史鑑

命駕曉行遊遊彼西山裏
西山信多奇况復偕知己
是時霖雨歇羣峰淨如洗
紫氣杳深沈林木何茂
翫衆芳

已銷落餘春柶百卉流泉瀉絕壁潺湲若風雨厲澗既
褰裳臨流還洗耳飛來固無匹韜光匪虛美徑轉迷故
蹊巖幽閉來軌人歸鳥樂聲日昃樵歌起往事良已然
來期尚誰啟回首謝山靈吾遊未云已

龍川山中早行

明 祝允明

磻磻左山影橫截右山腰辨色烏謹翔微光漾晴朝浮
雲若中斷蔚蔚方行遙

過石公山

明 王寵

島嶼屢奔騰石林突參錯朝雲正吐秀冬水亦漸涸
槎牙熊豹蹲蟠曲蛟龍蟻波濤激中洞嵐靄紛上薄金膏
赤日流石鏡青天霽表靈徵名圖延賞諧幽諾蒼鼠不
驚人丹楓時自落茲焉可投綸畢志甘場藿

歸解石山雜題

明方太古

山高日出遲雲重天寒早源遠斷人煙木落驚啼鳥南
斗鴈峰坳北極玉闌杪下界隔中天陰陽別昏曉

宿白嶽社山中

明潘緯

白社負幽期青山寄空宅
偶攜林中友重卧崖下石
雲歸忽閉關月出更留客
不著塵夢還潺湲響終夕

石堂山

明李 萊

茲山曾兩登契濶十年越
風景豈殊舊古木半摧伐
仙去地猶靈龍潛神詎歇
浩氣蕩太虛河山坐出沒
幽歌步泉水春懷與活活
羽客煮松花晚來消酒渴

七言古

夜歸鹿門歌

唐孟浩然

山寺鳴鐘晝已昏
漁梁渡頭爭渡喧
人隨沙岸向江邨
子亦乘舟歸鹿門
鹿門月照開煙樹
忽到龐公棲隱處
巖扉松徑長寂寥
惟有幽人自來去

大人山

唐杜甫

自為青城客不唾青城地
為愛丈人山丹梯近幽意
丈人祠西佳氣濃
綠雲擬住最高峰
掃除白髮黃精在
君看他時冰雪容

遊道場山何山

宋蘇軾

道場山頂何山麓上徹雲峰下幽谷我從山水窟中來
尚愛此山看不足陂湖行盡白漫漫青山忽作龍蛇盤
山高無風松自響誤認石齒號驚湍山僧不放山泉出
屋底清池照瑤席階前合抱香入雲月裏仙人親手植
出山回望翠雲鬟碧瓦朱闌縹緲間白水田頭問行路
小谿深處是何山高入讀書夜達旦至今山鶴鳴夜半
我今廢學不歸山山中對酒空三歎

同正輔表兄遊白水山

蘇軾

偉哉造物真豪縱，攬土搏沙為此弄。擘開翠峽走雲雷，
截破奔流作潭洞。因隨化人履巨跡，得與仙凡躡飛鞚。
曳杖不知巖谷深，穿雲但覺衣裘重。坐看驚鳥投霜葉，
知有老蛟蟠石甕。金沙玉鑠粲可數，古鏡寶奩寒不動。
念兄獨立與世疎，絕境難到惟我共。永辭角上兩蠻觸，
一洗胸中九雲夢。浮來山高回望失武陵，路絕無人送
筠籃。擷翠爪甲香素縵，分碧銀瓶凍歸路。霏霏湯谷暗
野堂，活活神泉湧解衣。浴此無垢人身輕，可試雲間鳳

登雲龍山

蘇軾

醉中走上黃茅岡，滿岡亂石如羣羊。
岡頭醉倒石作牀，仰看白雲天茫茫。
歌聲落谷秋風長，路人舉首東南望。
拍手大笑使君狂。

會稽山中

宋戴復古

曉風吹斷花梢雨，青山白雲無唾處。
嵐光滴翠濕人衣，踏碎瓊瑤谿上步。
人家遠近屋參差，半成圖畫半成詩。
若使山中無杜宇，登山臨水定忘歸。

遊黃華山

金元好問

黃華水簾天下絕我初聞之雪谿翁丹霞翠碧高歡宮
銀河下濯青芙蓉昨朝一遊亦偶爾更覺摹寫難為功
是時節氣已三月山木赤立無春容湍聲洶洶轉絕壑
雪氣凜凜隨陰風懸流千丈忽當眼芥蒂一洗生平胸
雷公怒擊散飛雹日脚倒射垂長虹驪珠百斛供一瀉
海藏翻倒愁龍公輕明圓轉不相礙變見融結誰為雄
歸來心魄為動蕩曉夢月落春山空手中仙人九節杖

每恨勝景不得窮攜壺重來巖下宿道人已約山櫻紅

天馬山

元黃清老

谿隨天馬西北行半空忽見蓮花生雙鷺欲下却飛去
旌旗引入丹霞城攀蘿上到猿啼處恍然曠坐消百慮
千山無人雲氣深終日徘徊不能去虛空樓閣時自開
異香忽起三清臺風吹笑語落天半疑是神仙跨鶴來
百花潭上春日照白鹿呼人猿亦嘯路迷不敢輕問津
恐有賢人隱耕釣蒼崖九折樵徑通絕頂可見西崆峒

塵心豁然臂欲羽竦身直上凌天風

八仙洞山

元僧惟則

入山隱隱如聞雷山雞角角隨人飛松風洗我市喧耳
松露灑我青蘿衣平生結習共幽賞會景會物情依依
誰能歌紫芝我當歌採薇招呼雲外青鸞歸

登岳陽樓望君山

明楊基

洞庭無煙晚風定春水平鋪如練淨君山一點望中青
湘女梳頭對明鏡鏡裏芙蓉夜不收水光山色兩悠悠

欽定四庫全書

御定佩文齋詠物詩選

卷八十三

三四

直教流下春江去消得巴陵萬古愁

過鹿門山

明薛瑄

西來漢水浸山根舟人云此是鹿門峭壁蒼蒼石色古
曲逕杳杳藤蘿昏亂峰幽谷不知數底是龐公栖隱處
含情一笑江風清雙櫓急搖下灘去

登招山

明傅汝舟

招山不放海水過坐與潮汐爭咽喉軍門鼓角動地遠
不覺送我招山頭風沙冥冥海在下濤浪滾滾天真浮

一目可到九萬里寸心遙飛十二洲千峰靜處日脚動
百鳥飛絕雲色愁帆檣散亂點秋葉蛟龍出沒如獼猴
天門盪久恐將裂碣石漫過能不柔未知尾閭果安在
祇見萬水皆兼收將軍教我認絕域日本西戶東琉球

五言律

登驪山高頂寓目

唐
中宗

四郊秦漢國八水帝王都閭闔雄里閉城闕壯規模貫
渭稱天邑含岐實奧區金門披玉館因此識皇圖

幸蜀西至劍門

唐明皇

劍閣橫雲峻，鸞輿出狩迴。
翠屏千仞合，丹嶂五丁開。
灌木縈旗轉，仙雲拂馬來。
乘時方在德，嗟爾勒銘才。

奉和聖製登驪山曠眺應制

唐張說

寒山上半空，臨眺盡寰中。
是日巡遊處，晴光遠近同。
川明分渭水，柳暗辨新豐。
巖壑清音暮，天歌起大風。

奉和聖製登驪山高頂寓目應制

唐蘇頌

仙蹕御層氲，高高積翠分。
巖聲中谷應，天語半空聞。
豐樹連黃葉，函闕入紫雲。
聖圖恢禹縣，歌舞少橫汾。

奉和聖製登驪山寓目應制

唐趙彥昭

皇情遍九坂，御輦駐昭回路。
若隨天轉，人疑近日來河。
看大禹鑿山，見巨靈開。願扈封登，駕常持獻壽杯。

奉和聖製次瓊岳韻

唐張九齡

山祇亦望幸，雲雨見靈心。
嶽館逢朝霽，闕門解宿陰。
咸京天上近，清渭日邊臨。
我武因冬狩，何言是即禽。

奉和聖製次瓊岳應制

唐李林甫

東幸從人望西巡順物迴雲收二華出天轉五星來十
月農初罷三驅禮復開更看瓊岳上佳氣接神臺

和張明府登鹿門山

唐孟浩然

忽示登高作能寬旅寓情絃歌既多暇山水思彌清草
得風先動虹因雨後成謬承巴里和非敢應同聲

酬崔十三侍御登玉壘山思故園見寄

唐岑參

玉壘天晴望諸峯盡覺低故園江樹北斜日嶺雲西曠
野看人小長空共鳥齊山高徒仰止不得日攀躋

白鹽山

唐杜甫

卓立羣峰外蟠根積水邊他皆任厚地爾獨近高天白
榜千家邑清秋萬估船詞人取佳句刻畫竟誰傳

奉和聖製登會昌山應制

唐錢起

睿想入希夷真游到具茨玉鸞登嶂遠雲路出花遲泉
壑凝神處陽和布澤時六龍多順動四海正雍熙

洞陽山

浮丘舊隱處

唐劉長卿

舊日仙成處荒林到客稀
白雲將犬去芳草任人歸
空谷無行徑深山少落暉
桃源幾家住誰為掃荆扉

九日登青山

唐朱灣

昔人惆悵地繫馬又登臨
舊處煙霞在多時草木深水
將天一色雲共我無心想
見龍山會良辰亦似今

宿東橫山

唐許渾

孤舟路漸賒時見碧桃花
谿雨灘聲急巖風樹勢斜
猶

猴懸弱蔓鶴睡橫
槎謾向山林宿
無人識阮家

遊爛柯山

唐項斯

步步出塵氛
谿山別是春
壇邊時過鶴
棋處寂無人
訪古碑多缺
探幽路不真
翻疑歸去晚
清世累移神

商山

唐黃貞白

商山名利路
夜亦有人行
四皓卧雲處
千秋疊蘚生
晝煙籠澗黑
殘雪隔林明
我待酬恩了
來聽水石聲

送清散遊太白山

唐僧無可

卷經歸太白躡躡別蘿龕若履浮雲上須看積翠南倚
身松入漢暝日月離潭此境堪長往塵中事可諳

寒石山

唐僧寒山

登陟寒山道寒山路不窮谿長石磊磊澗濶草濛濛苔
滑非關雨松鳴不假風誰能超世累共坐白雲中

新霽望岷笠山

宋梅堯臣

北望直百里峨峨千仞青斷虹迎日盡飛雨帶龍腥陰
壑煙雲蓄陽崖草木靈登臨終不厭時許到茲亭

北山寫望

宋林逋

晚來山北景圖畫亦應非邨路飄黃葉人家濕翠微樵
當雲外見僧向水邊歸一曲誰橫笛兼葭白鳥飛

鴈山

宋戴復古

此地古無聞誰封萬石君山林纔整整來往早紛紛兩
派龍湫水千峰雁蕩雲西十八寺紀載欠碑文

天門山

元程鉅夫

萬里瀾漫地天門據要衝乾坤大開闢江漢此朝宗往

事空多壘千年只二峰舟人亦癡絕遙認兩眉濃

重遊弁山

元趙孟頫

竹色迷行徑松聲湧座隅水清花自照風暖鳥相呼
飲罷思棋局歌長缺唾壺重來瀟灑地聊足慰須臾

遊梅仙山和唐人韻

元薩都拉

絕頂尋仙跡寒泉照客容棲鸞多種竹愛鶴莫移松
丹藥人來乞山鞭手自春秋深霜葉滿麋鹿日相逢

其二

仙人不可見借鶴過仙家夜卧千峯月朝餐五色霞祠
空風掃樂人去鹿銜花歸隱知何日分爐學鍊沙

遊江陰君山

元
貢師泰

孤嶂臨滄海千山湧大江遠帆歸市獨高塔倒波雙鷗
鷺爭洲淑蛟龍怒石缸壯遊心未已飛雨灑樓窓

黃牛山

明
王冕

招提萬山底古屋蔽煙霞密竹先秋意長藤過夏花繁
陰沈雨脚清響漱雲芽老衲眉如雪相逢話作家

望頤山

明馬治

斜日水南行蒼然雲景清遠山時在望仙洞故知名楓
葉凝秋色藤花落晚晴西陽亭不見惆悵翳榛荆

望海虞山得蹤字

明李廷典

青山秋萬疊詩寫晚愁濃瀑斷峰頭路雲藏谷口松藥
爐丹氣上經藏碧苔封誰似仙翁靜階前掃鶴蹤

遊會稽山

明袁凱

山實揚州鎮人踰浙水來禹功懸白日秦刻卧蒼苔龍

起梅梁去神遊石洞開明朝有餘興更上越王臺

次韻胡學士春日陪駕遊萬歲山

明
胡儼

鳳輦宸遊日祥雲夾道紅香風傳別殿飛翠繞行宮徑
轉千巖合波迴一鏡空忽看鸞鶴起聲在半天中

其二

閣道雲為幄仙山玉作臺更無凡跡到只有異香來柳
拂金輿度花迎寶扇開太平多樂事扈從得徘徊

過桐君山

明張和

雲斷山疑合，川回路忽分。
秋聲兩岫葉，曉色萬峰雲。
旅鴈衝帆度，寒蟬隔水聞。
巖陵遺跡在，我欲問桐君。

戈山眺和

明傅汝舟

峰青畫甌石，水麗控龍沙。
楚樹懸猿直，衡雲帶鴈斜。
笙歌塞江縣，琴響徹山家。
思君整飛鳥，待此步飄霞。

詠虞山倒影

明皇甫汈

今夜看山色，翻從一水中。
谿嵐垂月吐，巖翠合雲空。
波

靜明葭茨沙寒落鴈鴻臨杯挹仙檜星影亂芳叢

夜登石鐘山

明曹學佺

湖口行人曠山門入樹幽鐘鳴片石夜月滿九江秋洞裏懸漁網崖前過客舟醉歌仍未已清露濕滄洲

五言排律

度石門山

唐杜審言

石門千仞斷迸水落遙空道束懸崖半橋欹絕澗中仰攀人屢息直下騎纔通泥擁奔蛇徑雲埋伏獸叢星躔

牛斗北地脈象牙東開塞隨行變高深觸望同江聲連
驟雨日氣抱殘虹未改朱明律先含白露風堅貞所不
憚險澀諒難窮有異登臨賞徒為造化功

禹穴

唐
宋之問

禹穴今晨到耶谿此路通著書聞太史鍊藥有仙翁鶴
往籠猶掛龍飛劍已空石帆搖海上天鏡落湖中水底
寒雲白山邊墜葉紅歸舟何慮晚日暮使樵風

府試萊城晴日望三山

唐
許 邲

不易識蓬瀛，憑高望有程。
盤根出巨浸，遠色到孤城。
隱排雲峻層層就日明，
淨收殘靄盡浮動。嫩嵐輕縱目，
徒多暇馳心累發，誠從容更何往。
此路徹三清。

七言律

奉和聖製早登三鄉山

唐張九齡

羽衛森森西向秦，山川歷歷在清晨。
晴雲稍卷寒巖樹，宿雨能銷御路塵。
聖德由來合天道，靈符即此應時巡。
遺賢一一皆羈致，猶欲高深訪隱淪。

望夫石

唐 劉禹錫

何代提戈去不還，獨留形影白雲間。
肌膚消盡雪霜色，羅綺點成苔蘚斑。
江燕不能傳遠信，野花空解妬愁顏。
近來豈少征人婦，笑採蘼蕪上北山。

霍山

唐 曹松

七千七百七十丈，丈丈藤蘿勢入天。
未必展來空似翅，不妨開去也成蓮。
月將河漢分巖轉，僧與龍蛇共窟眠。
直是畫工須閣筆，況無名畫可流傳。

麻姑山

唐
劉滄

麻姑此地鍊神丹
寂寂煙霞古竈殘
一自仙娥歸碧落
幾年春雨洗紅蘭
帆飛震澤秋江遠
雨過陵陽晚樹寒
山頂白雲千萬片
時聞鸞鶴下仙壇

算山

唐
陸龜蒙

水繞蒼山固護來
當時盤踞實雄才
周郎計策清宵定
曹氏樓船白晝灰
五十八年爭虎視
三千餘騎騁龍媒
何如今日家天下
閭闔門臨萬國開

宿瀟山

唐
伍喬

一入仙山萬慮寬
夜深寧厭倚虛闌
鶴和雲影宿高木
人帶月光登古壇
芝朮露濃谿塢白
薜蘿風起殿廊寒
更陪羽客論真理
不覺初鐘叩曉殘

西塞山下作

唐
韋莊

西塞山前水似藍
亂雲飛絮滿澄潭
孤峰漸映湓城北
片月斜生夢澤南
騾動曉煙烹紫鱖
露和香蒂摘黃柑
他年却棹扁舟去
終傍蘆花結一菴

孤山後寫望

宋林逋

水墨屏風狀總非作詩除是謝玄暉
谿橋裊裊穿黃落
樵斧丁丁斫翠微
返照未沈僧獨往
長煙如淡鳥橫飛
南峰有客鋤園罷
閒倚籬門忘却歸

過馬鞍山

宋孔武仲

足歷黃州百疊山
更無平地只岡巒
物皆枯槁非人境
石最崔嵬是馬鞍
畏日流金紅艷艷
亂山堆雪白漫漫
崎嶇出盡聊休息
喜有松聲六月寒

登齊山

孔武仲

路出南隄思灑然烏藤點點破苔圓山腰仄塞原無路
洞底虛無別有天六月清風醒客醉千叢怪石伴僧禪
近人發覽方為貴從此匡廬不直錢

宿九仙山

宋蘇軾

風流王謝古仙真一去空山五百春玉室金堂餘漢士
桃花流水失秦人困眠一榻香凝帳夢繞千巖冷逼身
夜半老僧呼客起雲峰缺處湧冰輪

何山

元仇遠

谿轉峰迴一徑平
田頭白水照人清
寺因何氏封山姓
客把坡詩證地名
蘿月長隨行道影
杉風猶帶讀書聲
雲津橋下潺湲急
僧濯袈裟客濯纓

陰山

元耶律楚材

八月陰山雪滿沙
清光凝目眩生花
挿天絕壁噴晴日
擎海層巒吸翠霞
松檜叢中疏畝畝
藤蘿深處有人家
橫空千里雄西域
江左名山不足誇

過玲瓏山

元 劉秉忠

世外徒聞說洞天桃源迷路再無緣
摩青磈磊誰能鑿
繡白玲瓏自可穿別有一壺藏日月
正看萬竅吐雲煙
勞生得遇崆峒客煉訣還丹問隱仙

玉華山

元 虞 集

何處清江擁玉華手題名榜寄仙家
光凝石殿千年雪
影動銀河八月槎
藏藥寶函騰玉氣說詩瑤席散天葩
奎章閣吏無能賦得似新宮蔡少霞

浮山道中

元張翥

處處人煙有酒旗
棟花開後絮飛時
一溪春水浮黃頰
滿樹暄風叫畫眉
入境漸聞人語好
看山不厭馬行遲
江籬綠遍汀州外
擬折芳馨寄所思

遊麻姑山用蔣師文韻

元黃鎮成

紫霧鸞龍月裏遊
白銀宮殿海中洲
麻姑宴罷壇猶在
葛令丹成井獨留
滴雨浮嵐空翠晚
飛花散玉瀑簾秋
誰能共食金光草
來住仙家十二樓

登台州巾山

元 吳景奎

翠律雙峰著此身危巔夜半見朝暎天低古塔參雲闕
江送寒潮落海門恰情風高仙已去翠微僧老鶴長存
下觀城郭紅塵隘水色山光自吐吞

桐君山

元 徐昉

曉上桐君宿霧收嵐光蒼翠恣夷猶丹爐秘訣歸仙子
清景吟懷屬士流七里灘橫孤棹影立山鐘響五更頭
古來瀟灑稱名郡莫把繁華數汴州

題徑山

元僧益

攀蘿捫石上崔嵬為訪名師特地來
碧眼望穿紅日際青鞵踏破白雲堆
松濤振壑鳴天籟瀑布春崖動地雷
好境自然塵世別何須海上覓蓬萊

灤州望古北居庸諸山

明陳秀民

古北居庸一望中風沙滿眼亂芙蓉
曦車夜轉崑崙脊華蓋陰移太乙峰
金口水流終到海玉泉雲起又隨龍
兩京形勝今如此可擬秦關百二重

鄧尉山紀遊

明唐寅

鄧尉名山久注思，少攜閒伴是春時。
隔窓湖水坐不起，塞路梅花行轉遲。
清福可教何日領，閒情曾有幾人知。
漫收形勝歸邨館，夢裏煙霞亦自追。

晚望蒼山即事

明包節

吏散庭間靜掩扉，點蒼西望翠霏微。
雲裁玉葉和煙潤，瀑濺珠花映雨飛。
石洞經秋龍未起，松枝將暝鶴初歸。
冷然忽動煙霞思，擬陟丹梯一振衣。

五言絕句

登玉清

唐
盧照鄰

絕頂橫臨日孤峰半倚天
徘徊拜真老萬里見風煙

奉和登驪山應制

唐
閻朝隱

龍行踏絳氣天半語相聞
混沌疑初判洪荒若始分

獨坐敬亭山

唐
李白

衆鳥高飛盡孤雲獨去閒
相看兩不厭只有敬亭山

憶東山

李白

不向東山久薔薇幾度花白雲還自散明月落誰家

西塞山

唐
韋應物

勢從千里奔直入江中斷嵐橫秋塞雄地東驚流滿

盛山隱月岫

唐
韋處厚

初映鈎如線終銜鏡似鈎遠澄秋水色高倚曉河流

盛山琵琶臺

韋處厚

褊地難層疊因崖遂削成淺深嵐嶂色盡向此中呈

西山

唐
韓愈

新月迎宵挂晴雲到晚留為遮西望眼終是懶回頭

登柳州峨山

唐柳宗元

荒山林日午獨上意悠悠如何望鄉處西北是融州

地肺山春日

唐溫庭筠

苒苒花明岸涓涓水繞山幾時拋俗事來共白雲閒

儋耳山

宋蘇軾

笑兀隘空虛他山總不如君看道傍石盡是補天餘

列岫亭望西山最正殆無毫髮遺憾滕王秋屏

皆不及也因作此詩

宋朱子

東西水平分南北山中斷妙處毫髮間商略無遺算

百丈山石臺

朱子

出谷轉石稜俯身窺木末夕眺嵐翠分朝濟海雲濶

五峰山

宋僧大奎

一尋五峰孤塔在雲端鐵策已古色石房空畫寒

憶郎山

金仕詢

萬壑溪流合千峰木葉黃郎山五千尺獨立見蒼蒼

雲臺山

元
貢師泰

天星二十八下作漢廷將功成歸帝傍精彩射石上

天冠山

元
王士熙

龍口巖

飛泉龍口懸平石鰲背展高會瀛洲人一笑滄浪淺

長廊巖

誰謂山中險長廊亦晏然花開春雨足月落山人眠

金沙嶺

峻嶺接仙臺仙人獨往來
簫聲吹日落鶴翅拂雲開

昇仙臺

高臺去天咫有仙從此昇
遺跡尚可攀山雲白層層

逍遙巖

老竹空巖裏懸崖飛水前
欲識逍遙意試讀逍遙篇

道人巖

道人出白雲空巖為誰碧
獨往誰得知時有鶴一隻

老人峰

何年南極星墮地化為石至今明月夜清輝倚天碧

石人峰

仙人立危峰欲作凌雲舉飄然閱浮世獨立寂無語

學堂巖

仙人讀書處樵子時聞聲猶勝爛柯者只看棋一枰

馨香巖

蛟涎漬頑石磴道何崎嶇深潭湛古色興雲只須臾

月巖

飛泉何許來明月此夜滿登高立秋風妙趣無人歎

鳳山

孤鳳棲山中白雲護清境朝陽早飛來月落空巖冷

五臺山

元顧瑛

海湧如來室清涼即五臺春風山頂雪飛度鴈門來

五隄山飛泉塢

明高啟

山空響更遠雨過流還急餘沫洒迴風一林紅樹濕

五隄山白雲塢

高啟

雲開見山家雲合失山路聞語知有人欲尋已迷誤

過關山

明李萊

石不漱石竇鏗鏗下如乳版屋有居人終年聽風雨

六言絕句

別甌山

唐韓翃

一身趨侍丹墀西路翩翩去時惆悵青山綠水何年更是來期

題雲山

明陳繼儒

雨過石生五色雲度山餘數層時有炊煙出樹中多處
士高僧

七言絕句

望天門山

唐李白

天門中斷楚江開碧水東流直北回兩岫青山相對出
孤帆一片日邊來

過商山

唐戎昱

雨暗商山過客稀路傍孤店閉柴扉卸鞍良久茅檐下

待得巴人樵采歸

過三鄉望女几山早歲有卜築之志

唐
羊士諤

女几山頭春雪消
路傍仙杏發柔條
心期欲去知何日
惆悵回車上野橋

同諸隱者夜登四明山

唐
施肩吾

半夜尋幽上四明
手攀松檜觸雲行
相呼已到無人境
何處玉簫吹一聲

宿四明山

施肩吾

黎州老人命余宿杳然高頂浮雲平下視不知幾千仞
欲曉不曉天雞聲

商山道中

唐趙嘏

和如春色淨如秋五月商山是勝遊當晝火雲生不得
一谿分作萬重流

過象耳山

唐薛能

一色青松幾萬栽異香薰路帶花開山門欲別心潛願

更到蜀中還到來

題君山

唐
雍陶

風波不動影沈沈
翠色全微碧色深
疑是水仙梳洗處
一螺青黛鏡中心

商山

唐
司空圖

馬上搜奇已數篇
籍中猶愧是頑仙
關頭傳說開元事
指點多疑孟浩然

君山

唐
程賀

曾遊方外見麻姑說道君山自古無云是崑崙山頂石
海風飄泊洞庭湖

湖山

唐儲嗣宗

犬入五雲音信絕鳳栖凝碧悄無聲焚香古洞步虛夜
露濕松花空月明

登遊齊山

唐許堅

星使南馳入楚重此山偏得駐行蹤落花滿地月華冷
寂寞舊山三四峰

斛石山書事

唐薛濤

王家山水畫圖中意思都盧粉黛容今日忽登虛境望
步搖冠翠一千峰

出惠山遙望橫山

宋楊萬里

三日橫山反覆看殷勤送我惠山前常州更在橫山外
只望橫山已杳然

至鳳凰山再作

宋朱子

門前寒水青銅闕林外晴峯紫帽孤記得南垞通柳浪

依稀全是輞川圖

吳山高

朱子

行盡吳山過越山白雲猶是幾重關若尋汗漫相期處
更在孤鴻滅沒間

過鴈山

宋王十朋

清秋天氣過山中征鴈行人路不同從此又勞千里翼
傳書來往浙西東

漳州圓山

宋徐璣

輕烟漠漠霧綿綿
野色籠青傍屋前
盡說漳南風景好
衆山圍繞一山圓

荆江口望見君山

宋 鄭 震

荆江江口望漫漫
一白無邊夕照寒
只是青雲浮水上
教人錯認作山看

三天竺道中

元 方 回

三天竺路漸平
登高似雷峰塔幾層
山到無人行處好
松陰萬樹立孤僧

舟次九山

元黃庚

水雲盡處立奇峰
螺髻參差香靄中
江岸維舟看不了
煙嵐分碧入疎篷

訪屏風山

元元淮

獨出南關訪翠微
鐘樓佛閣藹霏霏
草根縛筆題牆了
更與山僧伴話歸

登師山

元鄭玉

山前邨落亂高低
雲意模糊遠近迷
萬壘峰巒如畫展

黃山正在小樓西

次韻友竹弟南明山

元周權

秋深樹葉滿空山
飯罷僧袍挂石闌
洗淨十年塵土夢
天風吹瀑落雲寒

盤石山

元陳孚

懸崖千仞鐵崔嵬
勢似飛蚪捲海來
我見只疑山欲躍
馬蹄不敢蹴青苔

赤松山

元吳景奎

雙鶴沖天去不回
五雲繚繞散花臺
山中若見皇初起
為問留侯幾度來

天平山中

明楊基

細雨茸茸濕棟花
南風樹樹熟枇杷
徐行不記山深淺
一路鶯啼送到家

南山

明殷奎

南山萬疊為吾開
一日支頤看幾回
最是夕陽時好看
幾人閒處解看來

晚過張林山

明 浦源

名山幾度欲尋幽，此日雖來不暇遊。
一棹黃昏過山下，疎燈絡緯滿林秋。

鄧尉山

明 方太古

危欄倦倚帶斜陽，今夜禪床借上方。
七十二山何處是，洞庭煙水正茫茫。

靈巖山

明 沈明臣

響屨廊空香徑微，千年往跡故應非。
青山花草斜陽下

惟見殘僧曬衲衣

華陽雜韻

明
廖孔說

林間風靄日氤氳
乍露孤峰半未分
一夜雷聲在山下
始知身出萬重雲



御定佩文齋詠物詩選卷八十三

欽定四庫全書

集部

御定佩文齋詠物詩選卷

八十四至
九十三

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣王瑣

謄錄監生_臣汪兆鯤

欽定四庫全書

御定佩文齋詠物詩選卷八十四

水總類

五言古

賦得臨水

梁沈君攸

開筵臨桂水，携手望桃源。
花落圓文出，風急細流翻。
光浮動岸影，浪息累沙痕。
滄波自可悅，濯纓何用論。

詠水

陳祖孫登

驪泉紫闕映珠浦
碧沙沈岸闊蓮香
遠流清雲影深風
潭如拂鏡山溜似
調琴請君看皎潔
知有淡然心

賦得方塘含白水

隋

李巨仁

白水溢方塘
淼素波揚
疊浪搖鳧影
連漪寫雁行
長堤柳色翠
夾岸荇花黃
觀魚自有樂
何必在濠梁

翫止水

唐

白居易

動者樂流水
靜者樂止水
利物不如流
鑿形不如止
淒清早霜降
淅瀝微風起
中面紅葉開
四隅綠萍委
廣狹

八九丈灣環有涯涘淺深三四尺洞徹無表裏淨分鶴
翹足澄見魚掉尾迎眸洗眼塵隔胸蕩心滓定將禪不
別明與誠相似清能律貪夫淡可交君子豈惟空狎翫
亦取相倫擬欲識靜者心心源只如此

亭西牆下伊渠水中置石激流潺湲成韻頗有

幽趣以詩記之

白居易

嵌巉嵩石峭皎潔伊流清立為遠峰勢激作寒玉聲夾
岸羅密樹面灘開小亭忽疑嚴子瀨流入洛陽城是時

羣動息風靜微月明高枕夜悄悄滿耳秋泠泠終日臨
大道何人知此情此情苟自愜亦不要人聽

泛水

宋 孔平仲

漣漪二十里清淡得我性微風不復搖天水相與淨秋
容入崖柳晚色依漁艇髣髴會稽遊南湖明似鏡

七言古

西城觀水

金 趙 颯

西山秋水來天地巨野橫流浩無際長風蹙浪鱗甲生

兩角斜分半山裏，繚堤北去接飛橋。
鼓鞞洶洶翻驚濤，中流突兀玉山起。
直疑河伯驅靈鼈，冷光搖蕩秋雲白。
渾似夢中遊震澤，隔林我欲喚漁郎。
孤帆忽如過鳥翼，安得酒船常拍浮。
四時甘味置兩頭，何人與我同此樂。
潁陽試覓元丹丘。

五言律

春水

唐杜甫

三月桃花浪，江流復舊痕。
朝來沒沙尾，碧色動柴門。
接

縷垂芳餌連筒灌小園已添無數鳥爭浴故相喧

遠水

唐馬戴

蕩漾空沙際虛明入遠天秋光照不極鳥影去無邊勢
引長雲斷波凝片雪連汀洲杳難到萬古覆蒼煙

遠水

唐項斯

渺渺浸天色一邊生晚涼閣含萍勢遠寒入鴈愁長北
極連平地東流即故鄉扁舟當宿處彷彿似瀟湘

秋水

宋徐積

水與秋月色清無一點瑕有情山共遠無限月初斜
下
沉寒葦雁空遺暖沙旋將堤畔木學泛斗邊槎

五言排律

賦得玉水記方流

唐陳昌言

明媚如懷玉竒姿寄託幽白虹深不見綠水折空流方
珏清沙徧縱橫氣色浮類圭才有角寫月漾成鈎久處
深潛貴希當特達收滔滔在何許揭厲願從游

賦得玉水記方流

唐鄭俞

積水蒸文動因知玉產幽如天涵素色倅地引方流潛
潤蒸雲起英華射浪浮魚龍泉不夜艸木岸無秋僻沼
寧堪比瑤池詎足儔若非懸可測誰復寄冥搜

賦得玉水記方流

唐王鑑

玉潤在中洲光臨碣岸幽氤氳冥瑞影演漾度方流乍
似輕漣合還疑駭浪收黃緣知有異洞徹信無儔比德
稱殊賞含輝處至柔沈淪如見念况乃屬時休

賦得玉水記方流

唐杜元穎

重泉生美玉積水異長流如見清堪賞因知寶可求
斗迴虹氣見磬折紫光浮中矩諧明德同方叶至柔月生
偏共暎風暖佇將游異寶雖無脛逢時願俯收

賦得四水合流

唐李沛

禹鑿山川地因通四水流縈迴過鳳闕會合出皇州天
影長波裏寒聲古渡頭入河無晝夜歸海有謙柔順物
宜投石逢時可載舟羨魚猶未已臨水欲垂鈎

賦得春水綠波

唐朱林

芳時淑氣和春水
淡煙波滉漾滋蘭杜
淪連長芰荷
晚光扶翠漱潭影
瀉清莎歸鴈追飛盡
纖鱗游泳多朝宗
終到海潤下每盈科
願假中流便從茲發棹歌

賦得空水共澄鮮

唐 闕名

悠然四望通渺渺
水無窮海鶴飛天際
煙林出鏡中
雲消澄徧碧霞起
淡微紅落日浮光滿
遙山翠色同樵聲
喧竹嶼棹響入蓮葉
遠客舟中興塵襟暫一空

七言律

西蜀淨因寺題水

唐 鄭 谷

竹院松廊分數派，晴空清泚亦逶迤。
落花相逐去何處，幽鳥獨來無限時。
洗鉢老僧臨岸久，釣魚閒客卷綸遲。
晚來一片連莎綠，悔與滄浪有舊期。

水紋

元 謝宗可

新綠粼粼漾淺漪，織成春色上苔衣。
一池碧暈雨初落，千疊翠鱗風更微。
淨殺光搖湘女鏡，輕羅影動水仙機。
何如袖取并刀去，剪得吳淞半幅歸。

七言絕句

流水

唐
羅鄴

龍躍虬蟠旋作潭
繞紅濺綠下東南
春風散入侯家去
漱齒花前酒半酣

御定佩文齋詠物詩選卷八十四

欽定四庫全書

御定佩文齋詠物詩選卷八十五

海類

四言古

觀滄海

魏武帝

東臨碣石以觀滄海水何澹澹山島竦峙樹木叢生百
草豐茂秋風蕭瑟洪波湧起日月之行若出其中星漢
燦爛若出其裏幸甚至哉歌以詠志

五言古

登郁洲山望海

梁劉峻

滄溟聯霄岫層嶺鬱嶙峋
下盤鹽海底上轉靈鳥翼
溟非可辨鴻溶信難測
輕塵久弭飛驚浪終不息
雲錦曜石嶼羅綾文水色

奉和望海

隋虞茂

清蹕臨溟漲巨海望滔滔
十洲雲霧遠三山波浪高
長瀾疑浴日連島類奔濤
神遊藐姑射睿藻冠風騷
徒然

雖觀海何以効涓毫

景龍四年春祠海

唐宋之問

肅事祠春溟宵齋洗蒙慮雞鳴見日出鷺下驚濤驚地
闕八荒近天廻百川注筵端接空曲目外唯霧霧暖氣
物象來周遊晦明互致牲匪玄享禋滌期靈照的的波
際禽沄沄島間樹安期今何在方丈茂尋路仙事與世
隔冥搜徒已屢四明背羣山遺老莫辨處撫中良自慨
弱齡忝恩遇三入文史林兩拜神仙署雖嘆出關遠始

知臨海趣賞來空自多理勝孰能喻留楫竟何待徒倚
忽云暮

入海

唐張說

乘桴入南海海曠不可臨茫茫夫方面混沌如凝陰雲
山相出沒天地互浮沈萬里無涯際云何測廣深潮波
自盈縮安得會虛心

和賀蘭判官望北海作

唐高適

聖代務平典輔軒推上才迢遙溟海際曠望滄波開四

牡未遑息三山安在哉巨鼇不可釣高浪何崔嵬湛湛
朝百谷茫茫連九垓挹流納廣大觀異增遲迴日出見
魚日月圓如蚌胎跡非想像到心以精靈猜遠色帶孤
嶼虛聲涵殷雷風行越裳貢水遏天吳災攬轡隼將擊
忘機鷗復來緣情韻騷雅獨立遺塵埃吏道竟殊用翰
林仍忝陪長鳴謝知己所媿非龍媒

西陵口觀海

唐薛據

長江漫湯湯近海勢彌廣在昔胚混凝融為百川決地

形失端倪天色潛滉瀆東南際萬里極目遠無象山影
乍浮沈潮波忽來往孤帆或不見權歌猶想像日暮長
風起客心空振蕩浦口霞未收潭心月初上林嶼幾遭
迴亭臯時偃仰歲晏訪蓬瀛真遊非外獎

觀海

唐 獨孤及

北登渤海島迴首秦東門誰尸造物功鑿此天池源瀕
洞吞百谷周流無四垠廓然混茫際望見天地根白日
自中吐扶桑如可捫超遙蓬萊峰想像金臺存秦帝昔

經此登臨冀飛翻揚旌百神會望日羣山奔徐福竟何
成羨門徒空言唯見石橋足千年潮水痕

登東海龍興寺高頂望海簡演公

唐劉長卿

胸山壓海口永望開禪宮元氣遠相合太陽生其中豁
然萬里餘獨為百川雄白波走雷電黑霧藏魚龍變化
非一狀晴明分衆容煙開秦帝橋隱隱橫殘虹蓬島如
在眼羽人那可逢偶聞真僧言甚與靜者同幽意頗相

愜賞心殊未窮花間午時梵雲外春山鐘誰念遽成別
自憐歸所從他時相憶處惆悵西南峰

航海

宋陸游

我不如列子神游御天風尚應似安石悠然雲海中卧
看十幅蒲灣灣若張弓潮來湧銀山忽復磨青銅飢鶻
掠船舷大魚舞虛空流落何足道豪氣蕩肺胸歌罷海
動色詩成天改容行矣跨鵬背弭節蓬萊宮

五言律

詠海

唐
李嶠

習坎疏丹壑，朝宗合紫微。
三山巨鼇湧，萬里大鵬飛。
樓寫春雲色，珠含明月輝。
會因添霧露，方逐衆川歸。

海上

金
劉迎

潮蹙三山島，煙橫萬里沙。
蜃樓春作市，鼉鼓莫催衙。
一曲水仙操，片帆漁父家。
定期定何處，試問棗如瓜。

五言排律

春日望海

唐
太宗

披襟眺滄海憑軾翫春芳積流橫地紀疏派引天潢仙
氣凝三嶺和風扇八荒拂潮雲布色穿浪日舒光照岸
花分采迷雲鴈斷行懷卑運深廣持滿守靈長有形非
易測無源詎可量洪濤經變野翠島屢成桑之杲思漢
帝碣石想秦皇霓裳非本意端拱是圖王

奉和聖製春日望海

唐楊師道

春日臨渤海征旅輟晨裝迴瞰盧龍塞斜瞻肅慎鄉洪
波迴地軸孤嶼映雲光落日驚濤上浮天駭浪長仙臺

隱虯駕水府泛鼉梁碣石朝煙滅之杲歸雁翔北巡非
漢后東幸異秦皇塞旗羽林客拔距少年場電擊驅遼
水鵬飛出帶方將舉青丘繳安訪白霓裳

賦得海水不揚波

唐闕名

聖朝崇大道寰海免波揚既合千年聖能安百谷王天
心隨澤廣水德共靈長不撓魚彌樂無瀾葦可航化流
霑率土恩浸及殊方豈只朝宗國唯聞有越裳

七言律

南海

唐曹松

傾騰界漢沃諸蠻立望何如畫此看無地不同方覺遠
共天難別始知寬文魴隔霧朝含磬老蚌凌波夜吐丹
萬狀千形皆得意長鯨獨自轉身難

昆陽望海

明楊慎

昆明波濤南紀雄金碧滉漾銀河通平吞萬里象馬國
直下千尺蛟龍宮天外煙巒分點綴雲中海樹入空濛
乘槎破浪非吾事已把漁竿狎釣翁

七言絕句

海客

唐
李商隱

海客乘槎上紫氛，
星娥罷織一相聞。
只因不憚牽牛妬，
聊用支機石贈君。

次韻寶印叔觀海

宋
王十朋

戴地浮天浩莫窮，
氣營樓閣聳虛空。
道人妙得觀瀾術，
萬里滄溟碧眼中。

滇海曲

明
楊慎

梁王閣榭水中央
烏鵲雙星帶五潢
跨海虹橋三十里
廣寒宮殿夜飄香

其二

化城樓閣壯人寰
澤國封疆鎮兩關
雲氣開成銀色界
天工斲出點蒼山

其三

葉榆巨浸環三島
益部雄都控百蠻
神禹導河雙洱水
武侯征路七星關

泛海

明
張可大

到處啼鶯倚棹歌
客懷偏向布帆多
黃雲飛盡天如洗
鼇背山前萬頃波

欽定四庫全書



御定佩文齋詠物詩選
卷八十五

八

御定佩文齋詠物詩選卷八十五

欽定四庫全書

御定佩文齋詠物詩選卷八十六

江類

五言古

江皋曲

齊王融

林斷山更續洲盡江復開雲峰帝鄉起水源桐柏來

赴荊州泊三江口

梁元帝

涉江望行旅金鉦間綵旂水際含天色虹光入浪浮柳

欽定四庫全書

御定佩文齋詠物詩選

卷八十六

一

條恒拂岸花氣盡薰舟叢林多故社單戍有危樓疊鼓
隨朱鷺長簫應紫駟蓮舟夾羽斨畫舸覆緹油榜歌殊
未息於此泛安流

奉和晚日揚子江應教

隋柳詒

大江都會所長洲有舊名西流控岷蜀東汎邇蓬瀛未
覩纖羅動先聽遠濤聲空濛雲色晦泱壘浪花生欲知
暮雨歇當觀飛旆輕

奉和晚日揚子江應制

柳詒

詰旦金鏡發驂駕出城闈
鮮雲臨葆蓋細艸藉斑輪
千里煙霞色四望江山春
梅風吹落蕊酒雨減輕塵
日斜歡未畢睿想良非一
風生疊浪起霧捲孤帆出
採藻麗繁星高論光朝日
空美郗枚侶終謝淵雲筆

入郴江

隋

薛道衡

仗節遵嚴會揚舲沂急流
征途非白馬水勢類黃牛
跳波鳴石磧濺沫擁沙洲
岸迴槎倒轉灘長船却浮
緣崖頻斷挽挂壁屢移鈎
還憶青絲騎東方來上頭

荆門浮舟望蜀江

唐李白

春水月峽來浮舟望安極正見桃花流依然錦江色
色綠且明茫茫與天平逶迤巴山盡搖曳楚雲行雪照
聚沙鴈花飛出谷鷺芳洲却已轉碧樹森森迎流目浦
煙夕揚帆海月生江陵識遙火應到渚宮城

晚次荆江

唐戎昱

孤舟大江水水涉無昏曙雨暗迷津時雲生望鄉處漁
翁閒自樂樵客紛多慮秋色湖上山歸心日邊樹徒稱

竹箭美未得楓林趣向夕垂釣還吾從落潮去

晚渡揚子江却寄江南親故 唐 權德輿

返照滿寒流輕舟任搖蕩支頤見千里煙景非一狀遠
岫有無中片帆風水上天清去鳥滅浦迥寒沙漲樹晚
疊秋嵐江空翻宿浪胸中千萬慮對此一清曠回首碧
雲深佳人不可望

江色

明 陶安

竹屋晨啓關江色直飛入空碧壓几案陰陰四壁濕玻

璿作天地冷然手可挹萬象隨升降元氣動呼吸臨岸
步觀漲石堦没千級岷巴與湘漢衆水大會集合流東
北去海水亦起立

晚晴江上

明

汪廣洋

江上鴨頭綠楚山螺髻青鷓鴣啼不盡花發樹冥冥微
風泛蘭槳落日過松亭勝境思彌愜漁歌隨處聽

七言古

江南弄

唐

李賀

江中綠霧起涼波
天上墨嶽紅嵯峨
水風浦雲生老竹
渚暝蒲帆如一幅
鱸魚千頭酒百斛
酒中倒卧南山綠
吳歛越吟未終曲
江上團團帖寒玉

五言律

詠江

唐李嶠

日夕三江望靈潮
萬里迴霞津錦浪
動月浦練花開湍
似黃牛去濤從白
馬來英靈已傑出
誰識卿雲才

夜渡江

唐姚崇

夜渚帶浮煙蒼茫晦遠天舟輕不覺動纜急始知牽聽
草遙尋岸聞香暗識蓮惟看孤帆影常似客心懸

自豫章南還江上作

唐張九齡

歸去南江水磷磷見底清轉逢空闊處聊洗滯留情浦
樹遙如待江鷗近若迎津途別有趣况乃濯吾纓

春江晚景

張九齡

江林皆秀發雲日復相鮮征客那逢此春心益渺然興
來祇自得佳處莫能傳薄暮津亭下餘花落客船

渡揚子江

唐 孟浩然

桂楫中流望空波
兩畔明林開揚子驛
山出潤州城海
盡邊陰靜江寒朔
吹生更聞楓葉下
浙瀝度秋聲

泊揚子江岸

唐 祖詠

纔入維揚郡鄉關
此路遙林藏初過
雨風退欲歸潮江
火明沙岸雲帆礙
浦橋客衣今日薄
寒氣近來饒

長江

唐 杜甫

浩浩終不息乃知東極臨
衆流歸海意萬國奉君心
色

借瀟湘闊聲驅灩澦深未辭添霧雨接上遇衣襟

渡江

杜甫

春江不可渡二月已風濤舟楫駁斜疾魚龍偃卧高渚
花張素錦汀草亂青袍戲問垂綸客悠悠見汝曹

巴水

唐白居易

城下巴江水春來似麴塵軟沙如渭曲斜岸憶天津影
蘸新黃柳香浮小白蘋臨流搔首坐惆悵為何人

新春江次

白居易

浦乾潮未應堤濕凍初消
粉片粧梅朶金絲刷柳條
鴨頭新綠水鴈齒小紅橋
莫怪珂聲碎春來五馬驕

新安江行

唐章八元

江源南去永野渡暫維艗
古戍懸魚網空林露鳥巢
雪晴山脊見沙淺浪痕交
自笑無媒者逢人即解嘲

鄭尚書新開涪江

唐賈島

岸鑿青山破江開白浪寒
日沈源出海春至草生灘
梓匠防波溢蓬仙畏水乾
從今疏決後任雨滯峰巒

其二

不侵南畝務已拔北江流涪水方移岸潯陽有到舟潭
澄初搗藥波動乍垂鈎山可疏三里從知歷億秋

秋日富春江行

唐羅隱

遠岸平如翦澄江靜似鋪紫鱗仙客馭金顥李衡奴冷
疊千山闊清函萬象殊嚴陵亦高見歸卧是良圖

宿巴江

僧栖蟾

江聲五千里瀉碧急於弦不覺日又夜爭教人少年一

汀巫峽月兩岸子規天山影似相伴依依到客船

長蘆江口

宋
梅堯臣

風駕晚潮急浪頭相趁過水歸瓜步小船下秣陵多鷗
舞不停翅燕飛輕貼波今來學楚客薄暮愛漁歌

吳江

宋
王安石

莽莽昔登臨秋風一散襟地雷孤嶼小天入五湖深柑
橘無千里魚鰕有萬金吾雖輕范蠡終欲此幽尋

冒雨登擬峴臺觀江漲

宋
陸游

雨氣分千嶂江聲撼萬家雲翻一天墨浪蹴半空花噴
薄侵虛閣低昂泛斷槎壯游思夙昔乘醉下三巴

泊舟湘岸

元李材

長沙今在眼青草舊知名二月風檣疾三湘雪浪平藤
深帝子廟花發定玉城莫議江南岸啼鵲處處聲

入桐江

明徐中行

奔流千折下峭壁兩崖分樵徑衝江雨漁舟宿嶺雲布
帆林杪見水碓月中聞獨有披裘客千秋不可羣

五言排律

江上有懷

唐孫逖

秋水明川路輕舟轉石圻霜多山橘熟寒至浦禽稀飛
席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

歲暮自廣江至新興往復中題峽山寺

唐許渾

密樹分蒼壁長谿抱碧岑山風聞鶴遠潭日見魚深松

蓋環清韻榕根架綠陰洞丁多斲石蠻女半淘金南浦
驚春至西樓送月沈江流不過嶺何處寄歸音

七言律

春江

唐白居易

炎涼昏曉苦推遷不覺忠州已二年閉閣只聽朝暮鼓
上樓空望往來船鶯聲誘引來花下艸色勾留坐水邊
唯有春江看未厭紫沙遠石綠潺湲

春日遊嘉陵江

唐劉滄

獨泛扁舟映綠楊嘉陵江水色蒼蒼行看芳草故鄉遠
坐對落花春日長曲岸危檣移渡影暮天栖鳥入山光
今來誰識東歸意把酒閒吟思洛陽

江邊吟

唐
李中

風暖汀洲吟興生遠山如畫雨新晴殘陽影裏水東注
芳草煙中人獨行閃閃酒帘招醉客深深綠樹隱啼鶯
盤桓漁舍忘歸去雲靜高空月又明

京口江際弄水

宋
徐鉉

退公求靜獨臨川揚子江南二月天百尺翠屏甘露閣
數帆晴日海門船波澄瀨石寒如玉草接汀蘋綠似煙
安得乘槎更東去十洲風外弄潺湲

初出真州泛大江作

宋 歐陽脩

孤舟日日去無窮行色蒼茫杳靄中山浦轉帆迷向背
夜江看斗辨西東漉田漸下雲間鴈霜日初丹水上楓
蓴菜鱸魚方有味遠來猶喜及秋風

樊江

宋 陸游

手中一卷養魚經，又向樊江上草亭。
朝雨染成新漲綠，春煙淡盡遠山青。
榜舟不厭頻來往，岸幘常須半醉醒。
賦罷新詩自高詠，滿汀鷗鷺欲忘形。

車駕渡江

明 曾 棨

朱旗畫戟擁晴沙，錦纜牙檣照眼花。
佳氣迴浮江北樹，曉光初絢海東霞。
雲中鸞鳳扶丹轂，水底魚龍識翠華。
不用臨流羨天塹，只今四海盡為家。

車駕渡江

明 周 忱

柳色臨江輦路長
歲蕤遙望翠華張
衣冠隔岸催鷓序
舸艦中流列鴈行
魚躍蒼波瞻御座
鳥啼春樹識天香
時巡百度稽虞典
不奏橫汾禮樂章

送童士琦瑞州府判賦得蜀江

明
楊慎

瑞州城下蜀江流
風物依然似故丘
祗道靈源千里合
不知仙跡幾年留
分符遠汎星槎去
負弩真如畫錦遊
別後懷人更懷土
煩君時一到滄洲

嘉陵江

楊慎

嘉陵江水向西流，亂石驚灘夜未休。
巖畔蒼藤懸日月，岸邊瑤艸記春秋。
版居未變先秦俗，剝木猶疑太古舟。
三十六程知近遠，試憑高處望刀州。

秋江晚望

明 蔡羽

沙頭雲樹鬱依依，晚稻吹香紫蠟肥。
露白秋江鷗一夢，月明寒樹鴈雙歸。
蓬窓剪燭孤彈劍，草屋禁風靜掩扉。
滄海十年空短鬢，青山未返薜蘿衣。

七言排律

次韻履仁春江即事

明 文徵明

二月江南黃鳥鳴，春江千里綠波平。
朱甍碧瓦參差去，水荇蘭苕次第生。
風外鞦韆何處笑，日斜鐘鼓隔花晴。
洞庭煙靄孤舟遠，茂苑芳菲萬井明。
唱斷竹枝空復恨，流連芳草不勝情。
何時載酒橫塘去，共聽吳娃打漿聲。

長江萬里圖

明 楊慎

五才坎德迴靈長，萬里岷山始濫觴。
流漢天迴經灩澦

盤渦谷轉下柴桑揚瀾左蠡層潭府大壑歸虛廣莫鄉
天遣陽侯分淼淼帝咨神禹畫茫茫青岑翠觀鮫人館
水碧金膏龍伯堂景浴陽烏朝旭早燄燃陰火夜霞光
煙寒星散三洲樹風軟雲飛百尺檣鶴子鳧雛喧澍雨
紋螺錦蚌映翔陽籠筒津鼓驚浮客欸乃漁歌屬赧郎
泗磬石鐘鏘島嶼輕漣蘋彩媚滄浪投鞭堪笑符堅策
靜練難賡謝朓章彩鷁退飛休借問白鷗浩蕩信徜徉

五言絕句

宿建德江

唐
孟浩然

移舟泊煙渚日暮客愁新野曠天低樹江清月近人

春江曲

唐
張仲素

搖漾越江春相將采白蘋歸時不覺夜出浦月隨人

其二

家寄征河岸征人幾歲遊不知潮水信每日到沙頭

江行

唐
柳中庸

繁陰乍隱洲落葉初飛浦瀟瀟楚客帆暮入寒江雨

江上

唐
顧况

江清白鳥斜蕩漿
罨蘋花聽唱菱歌
晚迴塘月照沙

泛瑞安江風濤貼然

宋
陸游

俯仰兩青空
舟行明鏡中
蓬萊定不遠
正要一颿風

長江萬里圖

元
丁鶴年

長嘯還江國
遲回別海鄉
春潮如有意
相送過潯陽

其二

長江千萬里
何處是儂鄉
忽見晴川樹
依稀認漢陽

七言絕句

渡浙江

唐
盧綸

前船後船未相及
五兩頭平北風急
飛沙捲地日色昏
一半征帆浪花濕

晴江秋望

唐
崔季卿

八月長江萬里晴
千帆一道帶風輕
盡日不分天水色
洞庭南是岳陽城

建昌江

唐
白居易

建昌江水縣門前立馬教人喚渡船
忽似往年歸蔡渡
艸風沙雨渭河邊

暮江吟

白居易

一道殘陽鋪水中半江瑟瑟半江紅
可憐九月初三夜
露似真珠月似弓

嘉陵江

唐
元稹

秦人唯識秦中水長想吳江與蜀江
今日嘉川驛樓下
可憐如練遠明窓

其二

千里嘉陵江水聲何年重遠此江行只應添得清宵夢
時見滿江流月明

望喜驛別嘉陵江水二絕

唐

李商隱

嘉陵江水此東流望喜樓中憶閬州若到閬州還赴海
閬州應更有高樓

其二

千里嘉陵江水色含煙帶月碧于藍今朝相送東流後

猶自驅車更向南

江東

李商隱

驚魚潑刺燕翩翩
獨自江東上釣船
今日春光太飄蕩
謝家輕絮沈郎錢

江上偶見絕句

唐杜牧

楚鄉寒食橘花時
野渡臨風駐綵旗
草色連雲人去住
水紋如縠燕差池

泛楚江

唐崔塗

九重城外家書遠
百里洲前客棹還
金印碧幢如見問
一生安穩是長閒

嘉陵江

唐薛逢

借問嘉陵江水湄
百川東去爾西之
但教清淺源流在
得路朝宗會有期

江行西望

唐韋莊

西望長安白日遙
半年無事駐蘭橈
欲將張翰秋江雨
畫作屏風寄鮑昭

泛吳淞江

宋 王禹偁

葦蓬疎薄漏斜陽
半日孤吟未過江
唯有鷺鷥知我意
時時翹足對船窓

秋江寫望

宋 林逋

蒼茫沙嘴鷺鷥眠
眠片水無痕浸碧天
最愛蘆花經雨後
一蓬煙火飯漁船

二月一日曉渡太和江

宋 楊萬里

綠楊接葉杏交花
嫩水新生尚露沙
過了春江偶回首

隔江一岸好人家

曹娥江

元 韓性

隔岸檣竿著暮鴉
待舟人立渡頭沙
數拳寒石生雲氣
一半斜陽有浪花

江上

元 黃庚

江上支筇眼界寬
夕陽影裏水雲寒
憑誰說與閒鷗鷺
借我魚磯把釣竿

題秋江圖

元 倪瓚

長江秋色渺無邊
鴻雁來時水拍天
七十二灣明月夜
荻花楓葉覆漁船

江上

明
陳憲章

水遠煙濃白鳥低
數峰青鎖夕陽西
隔波莫是仙源否
恰到波心路已迷

御定佩文齋詠物詩選卷八十六